

U G O V O R O KUPOPRODAJI ROBE



Zaključen između:

1. **BRČKO DISTRIKTA BIH** (Vlada Brčko distrikta BiH, Odjeljenje za obrazovanje), koga zastupa gradonačelnik Esed Kadrić, koji je Odlukom o davanju ovlaštenja broj predmeta: 33-000577/21, broj akta: 01.1-1413EK-0003/21 od 15.01.2021. godine ovlastio šefa Odjeljenja za obrazovanje Zoran Bulatovića, dipl.oec., za potpisivanje ugovora (u daljem tekstu Naručilac) i
2. **„DEFTER“ d.o.o. Sarajevo**, ul. Gatačka, 71000 Sarajevo, koga zastupa direktor Refik Redžović (u daljem tekstu: Izvršilac), s druge strane.

Na osnovu Odluke o izboru najpovoljnijih ponuđača, broj predmeta: 13-003274/20, broj akta: 01.1-1413EK-0017/21 od 02.02.2021. godine i Odluke o izmjeni i dopuni odluke o izboru najpovoljnijeg ponuđača, broj: 13-003274/20, broj akta: 01.1-1413EK-0031/21 od 07.04.2021. godine, Okvirnog sporazuma broj predmeta: 13-003274/20, broj akta: 07-1246ZB-0026/21 od 25.02.2021. godine ugovarači su se sporazumjeli o sljedećem:

I PREDMET UGOVORA

Član 1.

- 1) Isporučilac se obavezuje da izvrši nabavku i isporuku zaštitnih sredstava za sprečavanje širenja korona virusa za potrebe JU Devete osnovne škole Maoča, a sve u skladu Odlukom gradonačelnika o izboru najpovoljnijeg ponuđača, broj predmeta: 13-003274/20, broj akta: 01.1-1413EK-076/21 od 29.10.2021. godine.
- (2) Isporučilac se obavezuje da robu iz stava (1) ovog člana isporuči u JU Deveta osnovna škola Maoča.
- (3) Isporučilac izvršava svoje obaveze blagovremeno, stručno, savjesno i u skladu sa pravilima struke.

II CIJENA

Član 2.

- (1) Za isporuku robe iz člana 1. ovog ugovora, ugovorne strane utvrđuju cijenu u iznosu od **226,40 KM** (slovima: dvije stotine dvadeset šest i 40/100 KM) sa uračunatim PDV-om i svim troškovima.
- (2) Naručilac plaća ugovorenu cijenu iz stava (1) ovog člana u roku od 30 dana od dana dostavljanja računa Isporučioca, a za izvršenu isporuku koja je predmet člana 1. ovog ugovora.
- (3) Naručilac ovjerava ispostavljeni račun dostavljen od strane Isporučioca.
- (4) Cijena iz stava (1) ovog člana je fiksna.

Član 3.

Ugovorne strane su saglasne da će Naručilac plaćanje izvršiti žiralno na račun Isporučioca nakon ispostavljanja računa Naručiocu u skladu sa članom 2. ovog ugovora.

III ROKOVI I POSLJEDICE PROPUŠTANJA I KAŠNJENJA

Član 4.

Isporuka robe iz člana 1. ovog ugovora je jednokratna u roku od 10 (deset) radnih dana od dana zaključivanja ugovora na paritetu franco JU Devete osnovna škola Maoča, Brčko distrikt BiH.

Član 5.

- (1) Ukoliko Isporučilac bude onemogućen u pravovremenom izvršenju ugovornih obaveza bilo propustom Naručioca ili usljed nekih drugih okolnosti koje su izvan kontrole i uticaja Isporučioca, biće mu odobreno produženje roka za izvršenje ugovornih obaveza u mjeri u kojoj je Isporučilac zbog tih propusta ili okolnosti kasnio sa izvršenjem obaveza sve u skladu sa saglasnošću Naručioca.
- (2) Isporučilac je obavezan da bez odlaganja obavijesti Naručioca o razlozima kašnjenja ili onemogućenosti u izvršenju obaveza, a Naručilac će, nakon što razmotri razloge koje je Isporučilac predočio i ukoliko nađe da su opravdani, pismenim putem odobriti odgovarajuće produženje roka.
- (3) Nakon što Naručilac odobri produženje roka u skladu sa stavom (2) ovog člana, ugovorne strane će pristupiti izmjenama ugovora na način kako je predviđeno u završnim odredbama ovog ugovora koje se odnose na izmjene i dopune ugovora.

IV NADZOR I PRIMOPREDAJA

Član 6.

Isporučilac odgovara za kvantitet i kvalitet isporučene robe, saglasno propisima i standardima koji regulišu predmetnu materiju.

Potpisivanjem računa o isporučenoj robi i izvršenoj primopredaji robe smatra se da je Isporučilac robe ispunio svoje ugovorene obaveze iz člana 1. ovog ugovora, nakon čega Isporučilac može dostaviti račun za plaćanje ugovorene cijene u skladu sa članom 2. ovog ugovora.

V OBAVEZE ISPORUČIOCA

Član 7.

Pored obaveza koje proističu iz ostalih odredbi ovog ugovora, tenderske dokumentacije i važećih propisa, Isporučilac je posebno obavezan i odgovoran:

- a) da povjerljive informacije dobijene od Naručioca tretira kao takve i da ih ne prosljeđuje trećim licima i
- b) da potpiše izjavu o korištenju povjerljivih podataka u skladu sa propisima kojima se reguliše obezbjeđivanje tajnosti prilikom obrade ličnih podataka građana.

VI OBAVEZE NARUČIOCA

Član 8.

Pored ostalih obaveza iz ovog ugovora, Naručilac je naročito obavezan:

- a) da osigura plaćanje ugovorene cijene na način utvrđen u članu 2. ovog ugovora;
- b) da uredno izvrši plaćanje u skladu sa članom 2. ovog ugovora.

VII RASKID UGOVORA I NAKNADA ŠTETE

Član 9.

- (1) Naručilac ima pravo jednostranog raskida ovog ugovora i zadržava pravo na naknadu prouzrokovane štete ukoliko se Isporučilac ne pridržava odredbi ovog ugovora u cjelosti kao i u slijedećim slučajevima:
 - a) ukoliko Isporučilac kasni sa isporukom duže od krajnjeg roka za realizaciju ugovora;
 - b) ako kvalitet isporučene robe ne odgovara ugovorenom;
 - c) ako Isporučilac iz bilo kojeg razloga, izuzev više sile, dođe u situaciju da ne može izvršiti ugovorenu isporuku.
- (2) Isporučilac ima pravo jednostranog raskida ovog ugovora i zadržava pravo na naknadu prouzrokovane štete, ukoliko se Naručilac ne pridržava odredaba ovog ugovora u cijelosti.
- (3) Obavještenje o jednostranom raskidu ugovora mora se dostaviti drugoj ugovornoj strani isključivo u pismenom obliku uz obavezno navođenje osnova za raskid ugovora.

- (4) Ugovor se smatra raskinutim po isteku 10 (deset) radnih dana od prijema pismenog obavještenja o raskidu ugovora.

VIII KORESPONDENCIJA

Član 10.

Sva korespondencija između ugovornih strana biće na jednom od službenih jezika u BiH.

Član 11.

- (1) Svaka ugovorna strana zadržava pravo da navede drugu adresu za prijem korespondencije.
- (2) Korespondenciju u ime ugovornih strana obavljaju lica ovlaštena za korespondenciju od strane Naručioca i Isporučioca i to u pisanoj formi.

IX ZAVRŠNE ODREDBE

Član 12.

U svemu ostalom što nije predviđeno ovim ugovorom primjenjuju se odredbe važećeg Zakona o obligacionim odnosima.

Član 13.

Izmjene i dopune ovog ugovora mogu se vršiti isključivo u formi Priloga uz pismenu saglasnost obje ugovorne strane.

Član 14.

Sve eventualne sporove ugovorne strane će pokušati riješiti sporazumno u duhu dobrih poslovnih odnosa, a u slučaju ne postizanja sporazuma, nadležan je Osnovni sud Brčko Distrikta Bosne i Hercegovine.

Član 15.

Ovaj ugovor stupa na snagu danom potpisivanja.

Član 16.

Sastavni dio ovog ugovora čine tenderska dokumentacija i ponuda iz stava (1) člana 1. ovog ugovora.

Član 17.

Ovaj ugovor je sačinjen u četiri (4) istovjetna primjerka od kojih svaka ugovorna strana zadržava po dva (2) primjerka.

NARUČILAC:

Vlada Brčko distrikta BiH
Odjeljenje za obrazovanje

Šef Odjeljenja za obrazovanje
Zoran Bulatović, dipl.oec.

IZVRŠILAC:

„Defter“ d.o.o. Sarajevo

Direktor
Refik Redžević

Broj predmeta: 13-003274/20

Broj akta: 07-1246ZB-081/21

Datum, 4. 11. 2021. godine

Mjesto, Brčko

